

## 3 ZON

### Khe Zon Gava Phuni Khergiap, Ana Wom Khergi Khegene Khare. Khe fharav ganinga buni khare.

Zisas kothigap ana zin vui gumgi gu mbigi gari guman pana mbe kha gava khergiap, harigi guman pana mbe ndi mbai. Mba guman pana zi khare, Gaius. Ana Gaius zi ndi vun kuamkuagi. Ana khan muungi ne nzuav, ana guigira Zisas kothigap ana zin vui gumgi gu mbigi, ana mben kurkurigi. Ana Gaius zi ndi vun kuamkuav vhira, ana gori ruav khan ana nzuai, “Ndu kha guman riviri. Mba guma zi khare Diotrefes.”

### Nza Fhe Bakimen njaara mbui gumgi, nza mben kurkurarga.

<sup>1</sup> Gu Zisas Krais kothigap ana zin vui gumgi gu mbigi gari guman pan, gu kha gava khergiap, ndu Gaius, gu anan ndu ndi mbai. Ndu nan kivntoga guar ma. Gu guigira won ndavar ndu niingi.

<sup>2</sup> Ndu nan kivntoga vhuun ma, gu ndu nzuav Fhe Bakime phorga nzuai, ndu mbui bigi, nta hiri tivar vhuun muunga, ndu vhira nzerara kirga. Gu kanji, ndun vhen ki guma, ana nzerara ki.

<sup>3</sup> Fhum Zisas kothigap ana zin vui gumgi mbari, mbe zav, na garav, khan na suangi, ndu guigira buna guaren zin vui guma ma. Gu mba kamen

mbararagiap, gu guigira ndikndigi. Gu kan̄gi, ndu zazera buna guaren̄ra z̄in vui. <sup>4</sup> Gu kav, mbararagi, nan tari buna guaren̄ z̄in vui, gu guigira ndikndigi. Gu nen ndikndigi ndikndik, ana guigira gu mba harigi bigi ga nzuav ndikndigi ndikndik kambarigi.

*Gaius ŋaara vhuun̄ra mbui.*

<sup>5</sup> Ndu nan kivntoga vhuun̄, ndu buni guari, ndu zaan̄tuigira nta z̄in vuav, ndu tivar vhuun̄ra Zisas khot̄igap ana z̄in vui gumgi gu mbigi, ndu kurkurar vhuun̄ mbe mbui. Ndu maan̄ mbe mbuav, ndu vhira, kakagi gumgi, ndu vhira tivar vhuun̄ mbe mbui. <sup>6</sup> Mba guigira Zisas khot̄igap ana z̄in vui gumgi, ndu mba tivar vhuun̄ mbe muun̄gim, mbe zav khan̄ Zisas khot̄igap, ana z̄in vui gumgi gu mbigi phorga nzuav, ndu guigira won ndavar mbe niin̄giap, mbe muun̄gi t̄ivi, mbe nta bun mbe suan̄gi. Ne tivar vhuun̄ ma. Mbe taagip mba tuavar ŋgirim, ndu taagip mbe ndigi mba tuavar ŋgira bigira mben kurarim, mbe ŋgiri. Ndu Fhe Bakime vuzvuga z̄in ŋgip, ana mben kurkurargane vuzvugi bigira mben kurari. <sup>7</sup> Mbe Zisas ŋaarar muungen̄ ndikndiga vov, mba ŋaara mbui. Mbe mba ŋaara mbuav, mbe Zisas khot̄igap, ana z̄in ŋgi thagi gumgi, mbe mben han bigi ndi fhuvara. <sup>8</sup> Nza mba khesharigi gumgi, nza mben kurkurarga. Nza mba tiva mbui, nza mbe phorgap nza wari t̄igap mba ŋaara mbuav, nza Fhe Bakime buna guaren̄, nza wari t̄igap ne havhari.

*Diotrefes t̄iva mbat̄iga mbui.*

<sup>9</sup> Gu buni mbari khergiap, guigira Zisas kothigap ana zin vui gumgi gu mbigi mbari ndi mbarigi. Diotrefes, ana mbe gari guma bakime kir za mbuav, ana nza nzuai buni mbararagi fhu. <sup>10</sup> Gu maan muungip, gu nde han ngip, gu ana mbui tivir nde nenjirga. Ana mbarkirga buni mbatigira nza nzuai. Ana mba tivara nza mbui fhuvava. Ana vhira kha tiva mbui, ana fegutari ndiav, wo phena vui fhu. Ana vhira gari, harigi gumgi mbe ndiav, wari wo phenin ngir za mbuim, ana mbe thivav, mbe vharvharav, ana vhira guigira Zisas kothigap ana zin vui gumgi gu mbigi, ana mbe shigi.

*Demitrius tivar vhuuan mbui.*

<sup>11</sup> Ndu nan kivntogar vhuun, ndu tivi mbatigi ga mbui gumgi mbui tivi zin ngi thari. Ndu tivir vhuunra muunri. Tivir vhuuan mbui guma, ana Fhe Bakime guma ma. Tivi mbatigi ga mbui guma, ana Fhe Bakime gangiap, ana kanji fhuvava.

<sup>12</sup> Gumgi vhirve, mbe zam Demitrius mbui tivir vhuun bun nzuai. Mbe ana bun nzuaim, Fhe Bakimen buni guari vhira anan tivir vhuun bun nzuai. Nza vhira anan tivir vhuun bun nzuai, ndu kanji, nza buni guigira.

*Guman pan Gaius gan za mbui.*

<sup>13</sup> Gu buni vhirve khergiap, ndu ndi mbae, gu thagi. Gu gavar mba buni khergip, ndu ndi maan thagi. <sup>14</sup> Gu kanji, tugar mpeen fhuvava. Gu nduara ndun han mbar ngip, nka wani khomani ganiv, mba buni suanga.

15 Ndu ntigem ndav mbirav, kiri. Khe ndun kivntogi ndu ndi mbai raar vhuun khare, “Raar vhuun”. Ndu na raar vhuun ndiv, maan ki kivntogi, ndu zam mben ningiri.

## **Fhe Bakimen Kaman Kamen Kire New Testament**

copyright © 2001 Pioneer Bible Translators

Language: Kire

Translation by: Pioneer Bible Translators

### **Fhe Bakimen Kaman Kamen in the Kire Language**

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at [www.pioneerbible.org](http://www.pioneerbible.org)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

bfb792d-a7df-5425-8e30-1e4968f04468